

三經同卷

太上洞玄靈寶觀妙經

太上洞玄靈寶天尊說大通經

太上洞玄靈寶護諸童子經

太上洞玄靈寶觀妙經

夫欲觀妙成真先去邪僻之行外事都絕然後澄靜其心所思次束次滅習之既久其心漸閑唯滅動心不滅靜心但凝空心不疑有心靜心之上豁然無覆靜心之下寂然無載

有事無事常若無心處靜處誼其志唯一若
東心太急又却成疾發乎狂癡是其候也心
若不動又須放任恒自調適勿令結滯處誼
無惡涉事無惱者此是真靜也不以涉事無
惱故求多鑒乎靜久神凝天光自發勿舉急

人十

一

求致以乖自然於靜境中見無所取若有所
取則偽亂真久而行之自然得道夫得道者
心有五時身有七候一時心動多靜少二時
心動靜相半三時心靜多動少四時心無事
則靜有事還動五時心常與道冥觸亦不動

七候一者心得真定不雜黷塵二者宿疾蠲
消身心清爽三者填補虧損復命還年四者
延齡度世名曰仙人五者鍊形爲氣名曰真
人六者鍊氣成神名曰神人七者鍊神合道
名曰至人其於鑒力隨候益明夫久學靜心
都無一候但令穢質殂謝方空欲成真道未
之聞也

太上洞玄靈寶觀妙經